



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Brevissima Ad
Perfectionem Via: Hoc Est, De Perenni divinæ voluntatis intentione,
executione, apprehensione

Družbicki, Kaspar

Ingolstadii, 1732

VD18 90066340

Caput VIII. Probatur adhuc exercitium Voluntatis Divinæ, præstare aliis, ex
eo, quòd omnem eorum perfectionem contineat, exercentique compendia
conferat

urn:nbn:de:hbz:466:1-45352

C A P U T VIII.

Probatur adbuc Exercitium Voluntatis Divinæ, præstare aliis, ex eo quod omnem eorum perfectionem contineat, exercentique compendiò conferat.

Est etiam ex hoc capite, divinæ Voluntatis intentio & executio melior aliis omnibus, quia quidquid aliæ perfectionis habent, quidquid conferunt operanti, hoc totum, hæc sola, melius etiam, confert. & quod aliæ per ambages, longosque circuitus ostendunt, ad hoc ista compendiò, sinceriùs securiusque ducit. Aliæ postquam ad suos proprios terminos deduxerint, ultra non ducunt, sed perfectiori intentioni id munieris tanquam suum relinquunt. Hæc nunquam operantem deserit, sed per omnia vitæ Spiritualis, operationumque perfectarum puncta, rectè, sola sine vicariis dicit, usque ad celsissimas Sanctitatis & perfectionis periodos. Hoc ita esse, operæ pretium erit ni fallor, demonstrare. Quærenti ergo Perfectionem, & cum Deo unionem, necessaria est Mandatorum Divinorum observatio: *Si enim Matt. 12. vis ad vitam ingredi, serva mandata;* at quid est, servare mandata, nisi exequi Voluntatem Dei? dixit Christus: *Si quis vult post me venire, abneget Luc. 9. semetipsum,* at quis tām se abnegat, quisve tām se in manus Dei resignat, à sequē desciscit, quām is, qui in omnibus hoc solum quærerit, quid Deus vēlit: hoc solum facit, quod Deus vult. hoc solum optat & orat: *Fiat voluntas Dei.* certè si is sic o- *Matt. 6.* perans, suam adhuc propriam retineret voluntatem, illa aut cum Dei Voluntate cohæreret, & sic communis jam non propria effer, aut Voluntatem

tatem Dei facere, non esset illam facere. Inter propriam enim hominis, & inter Dei Voluntatem, medium nihil est tertium, quare qui solam Dei Voluntatem intendit, ubique, suæ voluntati propriæ nihil loci relinquit: Sicut si quis mari limitem tolleret, terras omnes auferret, aut demergeat.

36.
Gen 17.

Dictum est Abrahæ: *Ambula coram me & es* perfectus. quæso quid est cum Deo ambulare, nisi ubique Deum agnoscere præsentem esse, atque illius motu sese regere: hoc autem quis melius & exactius facit, eo, qui ubique solam & unam Dei Voluntatem intuetur, ad eamque se componit? utique hoc est sollicite ambulare cum Deo suo: præsertim quod Voluntas Dei Deus sit, quod non possit non præsentem Deum cogitare, qui nihil vult extra ejus placitum operari. Ad sui cognitionem tantoperè (ut satis notum est) tendenti ad profectum necessariam, quâ ratione melius, certius, citius quis perveniet, quam per continuam Divinæ Voluntatis contemplationem? contraria enim nunquam magis elucescunt, quam cùm juxta sunt. Vilitas hominis, malitia, obliquitas, fragilitas, ubi elucescat, si in conspectu dignissimæ, Sanctissimæ, rectissimæ, potentissimæ Voluntatis Dei non apparebit? quomodo enim se homo non cognoscat in Voluntate Dei, quando toties experitur inclinari se ad contraria Voluntati Dei, quando toties se videt, aut defletere, aut, deflexum fuisse à recto, à vero, à bono, nisi Dei fulciretur, & regeretur Voluntate quidquid non aliunde scimus, à quo bonum habemus, si quid habemus, quam è Dei Voluntate quidquid voluntatis nostræ, judiciorum nostrorum.

rum, consiliorumque obliquitatem non aliter fidelius exploramus, quām ubi ea cum divina contulerimus voluntate.

Jam verò Deum, Deique sapientiam, providentiam, potentiam, suavitatem, efficaciam, omnia denique ejus mysteria, ubi ac unde melius certiusque perdiscemus, quām è divinā voluntate? Sine quā nihil de Deo, divinisque rebus scimus aut credimus: quidquid autem credimus, aut scimus, ex ejus voluntate habemus: imò si quando rectenē an secus de Deo cogitamus nosse volumus, ad Dei voluntatem non aliò recurrimus: hoc enim tantum de Deo sentire possumus, quod ille vult, & dat nos de sentire posse: neque tamen idè minus certi sumus nos de illo benè sentire, quia ex ejus arbitrio sentimus de ipso, qui non aliter potest velle, ut sentiamus de ipso, quām ipse sentit de seipso: imò in quo unum & idem est, ipse sensus ejus de seipso, & voluntas, quā nos vult sic vel sic sentire de seipso.

Puritatem & Munditiem cordis, quæ sola ad visionem, hoc est, ad possessionem Dei sufficit, & requiritur, (*Beati enim mundo corde, quoniam ipsi Deum videbunt,*) non aliter certius acquirere possumus, quām cùm totos nos uni divinæ voluntati impendimus: quid enim immundum in me supersit, quando totum me divinæ voluntati impendo? Certè si quid in homine immundum est, aut ex homine, aut ex Deo est. qui se voluntati divinæ totum impedit, nil sibi ex se, quo ex parte suâ inquinari posset, reliquit: aut ergo amator divinæ voluntatis solius, nihil

V.P. Druzb. Op. II.

C

im-

37.

38.

Matt. 5.

immundi in se habet, & sic purus corde est; aut si quid habet, à divinâ voluntate habet; quod vel blasphemiam est dicere, vel necesse est immunditiam illam mundissimam esse.

39.

*Jean. 15.
2. Cor. 3.*

Imò etiam non aliter homo facilius ad Nihilum sui reducitur planissimum, quàm isto studio voluntatis divinæ. Si enim vere nil aliud homo, quàm solam Dei voluntatem operatur, cùm hoc ipsum per eandem solam Dei voluntatem operatur (*Sine me enim nihil potestis facere. Et: Omnis sufficientia nostra ex Deo est.*) sequitur in tali homine nihil ex homine remansisse, sed & opus, & operantem unum solumque Deum esse: Ergo in tali homine periit felicissimâ perditione vetus homo totus, & novus si quis est in eo, DEUS est, divinusque, nihil enim jam agit, tanquam agens, sed magis tanquam patiens, nec operatur tanquam ipse, vel tanquam per seipsum, sed operatur tanquam Deus, tanquam per Deum, tanquam ex Deo, in Deo, propter Deum, cum Deo. Per quod tamen nihil minus de mercede aut merito deperdit, quin potius tanto de illo certior est, quanto manifestius se experit non solum Deo subjectum esse, verùm à Deo & in Deum absorptum; suaque opera tanto esse Deo gratiora, & præmio digniora, quanto minus sunt humana, plus autem divina.

40.

Ex his autem necessariò promanat, ad unionem & contemplationem divinam, non facilis perveniri, quàm per eandem Voluntatem divinam, sic enim purificato, purgato, mundato, à seipso extracto, exhausto, annihilatoque, & in Deum translato homini, quid restat? quàm ut eidem uniatur, inhæreat, eum contempletur,

in

in eo voluptuetur, ipso inebrietur, & ut ita dicam, moderatissimā vesaniā helluetur. Sane, qui adhæret Deo, scriptum est, *unus Spiritus est cum eo*; at quis ita adhæret Deo, ut is, qui unum vult, unum non vult cum Deo? Patet igitur, nisi fallor, quidquid boni & perfecti est, in aliis Sanctis exercitiis, hōc in isto uno perfectius, sacerdiosque reperiri.

1. Cor. 6.

Jam verò quod compendiosius etiam & brevius reperiatur, per se se ex dictis elucescit: Quod in multis seorsim est, hoc in isto uno simul reperitur, & quod alia nonnisi multā & magnā plurimarum circumstantiarum observatione, difficultatumque auf deviatione, aut superatione, cum multis aliis, post alias permutationibus, atque ab imperfectionibus ad perfectiora progressibus, non sine tamen voluntate divinā conferunt, hoc una & sola divina voluntas, per Intentionem puram operibus applicata, illicè, & brevissimè, & rectissimè, & suavissimè, constantissimeque possidendum tradit.

41.

Declaro rem exemplo. Volo hanc illatam mihi injuriam pati æquo animo, ut Christi exemplum sequar, utque Filio Dei à Deo in Magistrum mihi dato, Domino, Redemptori, Regi meo, homo, discipulus, servus, conformer: volo autem illi conformis esse, quia hæc est Dei voluntas, placitumque hoc est ante oculos ejus: hic patienti injuriam communis est modus, af de quo nunc ago, & quem hic commendo, talis est, resecat omnia intermedia, non ut mala, sed ut morari facientia: & dicit; Volo injuriam æquo animo perpeti, quia sic divinæ

42.

placitum est voluntati. Eodem pervenio, quò & illi, qui priorem sequuntur modum, idem lucrum commodumque habeo, quia perinde ut illi, Divinam facio voluntatem; nec plus illi faciunt, quàm ego, nec minus ego, quàm illi: hoc solum præ illis habeo ego, quia quò tardius illi, citius pervenio ego. quin & illud supra illos fortè assequor ego, quòd illi in tantâ intentionum serie, non raro voluntatem Dei magno suo damno non attendunt, aut certè non nisi à longè, & indirectè intuentur: ego autem transitis levioribus, in quibus præcipuum robur succusque boni non est, medullam rectitudinis, & sanctitatis, scilicet, Dei voluntatem, certus & indubitate feneo.

43.

Atque in hoc meo exercitio illud præterea inest commodi, quòd illud mutare nunquam, aut deserere, ad aliudque perfectius transire, neesse habeo, cùm tamen secus in aliis eveniat. Nam à timore servili, ad initialem aut filialem eundum est, ab amore concupiscentiæ ad amorem amicitiæ & benevolentiæ; ab amore Christi carnali & tenero, ad amorem Spiritualem, & serium; denique à Christo ad Deum, à Theandricis, ad pure divina transeundum est: ego autem sive Incipiens, sive proficiens, sive perfectus; sive in activâ, sive in contemplativâ, sive in mista occupatus sum vitâ, semper voluntati Dei inhæreo, quin & inhærere debedo, quæ ita se mihi accommodat in omnibus, ut cum immutabilis sit, mecum tamen mutetur, & Incipientibus talem se præbet, ut solis Incipientibus videatur congruere: proficientibus talis apparet, ut ipsorum tantum putetur: perfectus

sib

i

fibi soli reservatam penè asserit. Non quod mutet divina voluntas naturam, quæ (ut dixi) est immutabilis, & eadem semper, sed quia usum sui variat, vel potius mutat eos qui se utuntur, redditque capaciores sui tantò magis, quantò illi ipsā uti pergunt impensiùs. quod lumen in omnibus aliis piis exercitiis, vel non omnino, vel non facile reperias ut unum omnibus commodè serviat, sed ita nata sunt omnia, ut omnia omnibus, unum uni, aliud alteri conveniat. Nullum igitur dubium esse, voluntatis divinæ exercitationem omnibus aliis ad pietatem & perfectionem exercitiis, nobilius, melius, compendiosius, perfectius esse.

C A P U T IX.

Intendere & exercere in omnibus Dei Volun-
tatem an præstet Intentioni quæstionique in
omnibus Gloriæ divinæ?

NON possim hoc loco præterire id, quod fortasse alicui facessere difficultatem in re propositâ posset. Diceret enim aliquis. Agere propter unicam (aut etiam majorem) Dei gloriæ, eamque in rebus omnibus attendere, est sublime sine dubio magnæque perfectionis exercitium, multumque defæcata Intentio; atqui videtur hic etiam operandi modus deserendus esse ob istam quam dudum commendo divinæ solius Voluntatis executionem, & in omnibus intentionem. Sed nimirum tam hæc præsens, quam aliæ permultæ dubitationes nascuntur non aliunde, quam ex solâ non rectè divinam voluntatem animo concipiendi consuetudine, cuius

44.

C 3 funda-